



KOMUNIKADO PA PRENSA

Fecha

07-09-2017

Accountmanager Komunikashon

Jhanirha Da Costa Gomez-Anita

Email

jhanirha.anita@gobiernu.cw

Aklarashonnan rondó di vehíkulonnan man drechi.

Willemstad – Minister Zita Jesus Leito di Ministerio di Tráfiko, Transporte i Planifikashon Urbano a tuma nota ku tin konfushon den komunidad tokante vehíkulonnan man drechi, e asina konosí Right Hand Drivers (RHD). Pa akclará tur informashon eróneo ku por ta sirkulá, Minister ta informá ku Gobièrnu di Kòrsou NO a tuma niun desishon pa para ku kùrmentu di vehíkulonnan di man drechi.

Tabata tin informashon ku a sali awe mes ku un vehíkulo di man drechi lo a bai kùr su vehíkulo i Servisio pa Tráfiko i Transporte lo a nenga di hasi esaki. Ta investigando esaki pa wak kiko a sosodé.

Loke Minister a anunsiá ta ku ta bai hasi un investigashon rondó di uso di e vehíkulonnan ku stür man drechi, mirando ku nos infrastruktura ta trahá pa vehíkulonnan ku stür na man robes. E investigashon aki ta andando aktualmente i no ta kla. Na momentu ku konkluí esaki, ta disidí si tin ku tuma medida i kua esakinan lo ta. Den e proseso aki, lo konsulta ku gruponan di interes pa asina identifiká tur e diferente interesnan pa yega na un desishon bon balansa.

Minister ta pidi komunidad pa keda trankil. Na e momentu aki no tin niun desishon tumá òf lei ku ta prohibí kùrmentu di e tipo di vehíkulonnan aki. Lo investigá, evaluá i despues lo informá komunidad debidamente riba e pasonan ku ta sigui.